



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

5 e Telesphorus der 9. Bapst vnd marterer.

urn:nbn:de:hbz:466:1-41449

Item der Geburtstag des heyligen Remensischen
Erzbischoffs vnd Beichtigers Rigoberti / der gar loblich
sein Bisshumb regieret / vnd einen vnstrefflichen Wan-
del fuhret.

e

Nonis Ianuarij.

Der V. Tag im Jenner.

Gut ist die Vigili vnd abent des nachfolgenden
Fests von Christi vnsers Herrn erscheinung / oder
von den heyligen drey Künigen.

Item zu Rom der Geburtstag des H. Pappsts The-
lesphori / auß Griechenland geboren / vnd der sibend D-
berst Bischoff nach dem H. Apostel Petro : ward vnder
dem Haydnischen Kayser Antonio gemartert / als er die
Kirch Gottes ailff jar regiert het.

Item zu Antiochia die Begräbnus des heyligen
Münchs Simeonis Stylite / wellicher im 13 jar seines
alters der Welt absaget / vnd in Syria Einsidlich leben
fuhret : asse in der wochen nur einmal / stünd vil jar wun-
derbarlich auff einer hohen Saul / war inn Wunderzei-
chen vnd strengem leben groß vnd berümpft / beköret mit
Christlicher lehr vnd volgenden zeichen vil Saracener /
Armenier / vnd Priester / entschlieff endlich im freid / vnd
nach seinem tod würcket Gott wunderzeichen bey seinem
Grab zu Antiochia.

Item die begräbnus des Gerechten alten Simeo-
nis / von welchem hernach am 8. Wintermonats weiter.

Item des heyligen Beichtigers Eduardi / Königs
inn Engeland / so gar sänftmütig / daß er auch die
schlechten

schlechten

Januarus

schlechten Menschen mit einem Wort nicht verlehret /
vnd ihm doch alle Menschen grosse ehr vnd forcht er-
zagt. Mit seiner Ehefrawen blib er inn der Junck-
frawschafft / dienet G. D. reichlich inn den armen / war
fürtrefflich im Geist der Weysagung / het vil Göttliche
offenbarung. Verschid im H. Ern / als er die hailfamen
Sacrament demütiglich empfangen / im 24. jar sei-
nes Reichs / bey welliches Grab vil Wunderzaichen ge-
schehen.

Anno Dñi
1164.

Homil. 38.

Item zu Rom der H. Junckfrawen Emiliane / die
des H. Pappsts Gregorius Vatters Schwester gewesen /
nach dem sie sampt ierer Schwester Tarilla sich zu Gott
beköhret / lebten sie vnder einer verblindnuß der Gaißli-
chen Regel / fürten bayd in einem aiguen hauß ein rechtes
Schwesterliches Göttliches leben / wie S. Gregorius
von inen schreibet. Tarilla w. d. hernach am 24. Christ-
monats gesezt.

Item des H. Einsidels vnd Beichtigers Berfaci /
der zuuor ein Kriegsmann gewesen.

Item zu Thebaida der H. Junckfrawen vnd ab-
tiffin Amate.

f viij. Idus Ianuarij.

Der VI. Tag im Jenner.

1.

Best ist der dreyzehend tag nach der Gebure JE-
su Christi des newgebornen Hailands / auch das
herlich hochzeitlich Fest seiner erscheinung / wel-
liche durch anzaigung des Sterns der Orientischer
Weysen oder Königen / sa auch der blinden Hayden-
schafft geschehen. Dann die erstling der Hayden seind
durch